

“Cietlungzyenz” Rangh Lungzcouh:

Daegsaek Naekgywg Gagmiz

独具地方特色的龙州“龙元节”

□Yenz Causinh ingj Sinhyungz hoiz



▲ Duzlungz saeceij baiz diegdangz, saekyaep fangienj dem hoenghnauh.



▲ Baiqsax Goengdojdeih, soengq fukheiq gwnzbiengz.



▲ Dahniq danz denhginz, caemh sing sep rwenzred.



▲ Ranzranz guh ceizet, gvaq ciet sim angqyangz.

Moix bi liggaeuq ndwen-
ngeih co' ngeih roeb ngoenz
“lungz ngiengx gyauej”, seiz-
neix cin raeuj va hai, fanh foed
angj loeg, youq gih raeuz
Lungzcouh Yen, gyoengqvunz
caemh angqyangz dwk hoengh-
hwd gvaq “cietlungzyenz”,
caeqbaiq Goengdojdeih, guh
ceizngaih ceizndek, foux lungz
foux saeceij, danz denhginz
ciengq go, nauhyied raixcaix.

Youq baksok dounamz
Lungzcouh Yen, miz gizdieg
funghgingj gyaundeidei ndeu
heuhguh “song lungz ciengj caw”,
vunzraeuz bae Lungzcouh cetyouz
cungj bae gizde yawjyawj. Riuz
naeuz, moix bi liggaeuq
ndwenngieih co' ngeih, duzlungz-
heu caeuq duzlungzhenj gizneix
couh hainduj doengh hwnjdaej
lo. Duzlungz dwg saenz gyoengq-
non, duzlungz daej lo, gak cungj
gak yiengh nonhail couh ndoj
hwnjdaej, baenzneix bouxvunz
couh ndangcangq, doenghgo couh
maj ndei. Gyoengqvunz rangh
Lungzcouh Yen vih cingj duz-
lungz ma nda' nduengq gvaq fwj
doek fwn, gyaepcawz nonhail,
mbaenj ndaej funksou bouxvunz
ndang cangq souhyienz, moix bi
cungj youq ngoenz neix hoengh
banh gij hozdung “cietlungzyenz”
gig miz daegsaek dangdieg haenx.
Ngoenz neix, lajmbanj Lungz-
couh Yen ranzranz cungj aeu
haeuxcid caeuq go' ngaih, mbaw-
goyaed doxgyaux naengj cug
daem guh ceizngaih, mbanj aeu
mbawgyoij duk naengj baenz
ceizet, caez bae caeqbaiq Goeng-
dojdeih, mbanj dieg daengx
mbanj daengx diuzgai ok ngaenz
ok byaeklaeuj doxgo, cingj



▲ Raeuz mizsim caeqbaiq, youh caiq haengrengz guh.

► Ngoenzciet nauhyied lai, foux lungz caiq yienjheiq.



▲ Fungsug daegbied daihdaih cienz, saedcej vuenyungz bibi gvaq.

goengdauh daej “dajcai”,
ram Goengdojdeih youz mbanj,
mbaenj vunzlai ndangcangq
vuenyungz, guh gaiqgaiq cungj
baenz. Doengh bi neix daej,
Lungzcouh Yenvej Yencwngfuj
yawjnaek gij hozdung vwnva
ndawbiengz minzcuz neix, moix
bi cungj youq yienhsingz
guhdaez banh gij hozdung
duzlungz, saeceij, funghraiz
hoenghhwd youzgai caeuq foux
lungz foux saeceij doxdax,
denhginz danzciengq, yienj go
foux minzcuz daengj, hawj
vunzlai gvaq ciet engq angqyangz,
engq nauhyied. Lumjbaenz
bineix “cietlungzyenz” geizgan,
daengx yienh couh miz 16
aen doihfouxlungz caeuq 14
aen doihfouxsaecij camgya
“lungzvungz”, “saecijvungz”
doxdax, lij banh le denhginz
danzciengq, diuq foux denhginz,
diuq foux funghraiz daengj
funsgug minzcuz biujyienj dem,
miz 3 fanh lai hekyouz ganj bae
ngonzyawj, ciengzmienh hoengh-
hwd nauhyied.



▲ Funghraiz caemh ganjhaw, raen dauqcawq hwnghoengh.



▲ Baijyienj ciep bawxmoq, ndaei rox funksug raeuz.



▲ Baijyienj heiq funksug minzcuz, mbaenj muengh doenghdz gomiuz vuengh.



▲ Foux lungz doxdax caen ndei yawj, dauqcawq cungj nyi vunz hemq haenh.